

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Ankerrak eta gaiztoak

Ramon Fanlo (*LAB Itsasoko arduradun nazionala*)

Nola hasi gutuna Jose Joaquin Campos Villegas Kubako lagun eta kideari zuzendua? Deustuko Kanalean geldid bederatzi hilabete daramatzan itsasontzian hil zen ostegun gauean. Horren erru zuzena eta zeharkakoa enpresari anker eta gaiztoek dute, eta haiei leporatzen diet nire lagun eta kidearen hilketa.

Egia da, beti hala esan da, kapitalak ez duela banderarik eta azalaren kolorerik. Horiei gehitu behar diet errealtate anker eta gaiztoak sortzen dituela.

Kubako langileek bederatzi hilabete daramatzate sei itsasontzitan giltzapetuta: bi Bilbon, bi Pasaian, bat Valentzian eta beste bat Cadizen. Jose Joaquinen kasua oso krudela da; izan ere, hil arteraino lanean jarraitu zuen bere kideek gosal, bazkal eta afal zezaten. Sukaldaria zen Jose Joaquin. Bitartean, bere kideek kartzela flotagarrian garbiketa eta mantenimendu lanak egiten dituzte zigorra noiz beteko zain (soldata noiz jasoko zain) edo ikusiko ez duten amnistiaren zain (itsasontzia saldu zain).

Jose Joaquinnek bete egin zuen kideekin eta bere buruarekin zuen konpromisoa. Ez zuen itsasontzia utzi. Ez zuen egingo soldata jaso arte. Hil arteraino bete du konpromisoa.

Jose Joaquinen heriotza zuzenean eta zeharka eragin duzuenok, zuen luxuzko bulegoetako mahai gainean isla egingo dizue nire lagun eta kidearen familiak. Horrek gogora ekarriko dizue Kubara joan ezinik 18 hilabetez eduki zenuela kubatar hori, soldata ez jasotzera kondenatu zenuela, atsedeen eskubidea ukatu zenietela, Eguberriak emaztearekin eta seme-alabekin igarotzen utzi ez zenietela, eta familia une larriak (arazo ekonomiko eta psikologikoak) igarotzen ari dela senar eta aita zenaren soldatarekin bizi zelako. Horregatik esaten dizuegu anker eta gaiztoak zarete.

Berge Untziolako agintariok, Untziola Penintsularra erosi zenuten 2000ko apirila-



galdeiozu...


EAJ-EA koalizioak IUrekin gobernua osatzen badu, zein izango da PPren jarrera? Marta Amundarain (Tolosa)

Erabat ezinezkoa den hipotesia bada ere (ez baitute gehiengo osorik lortuko agintzeko), guk errespetatu egingo dugu hautestontzietatik irteten den edozein erabaki. PPk oposizioan jarraituko luke, azken 21 urteotan bezala. Zalantzarik gabe, demokraziaren joko arauak erabat errespetatzen ditu PPk. Hori, ordea, ez dago hain garbi zenbait alderdi politikotan eta ETaren atentatuak gaitzes-teari uko egiten diotenengan (atentatuak dira giza eskubidearen ukazio lazgarriena). Euskadin demokrazia bultzatzen ari gara lanean azken 21 urteotan, ia bizia emateraino ari gara, eta inork ez digu erakutsiko hautestontzietan borondatez eta era askean adierazitako gehiengoan joko arauak zeintzuk diren. Hala ere, uste dut ez dela beteko gobernu hori eta aldaketa benetako errealtatea izango dela maiatzaren 13tik aurrera. PPkoek lortuko dugu herri honetan ideologia guztiak errespetatzea, bata bestetik oso urrun egon arren, eta askatasunean bizitzea inolako bazterketarik gabe.



MARIA SAN GIL

PPko Gipuzkoako zerrendaburua



EAEko hauteskundeak

Maiatzaren 13ko EAEko hauteskundeetara aurkezten diren alderdi politikoetako hautagaiekin jarraituz, maiatzaren 1tik aurrera **Juan Jose Ibarretxe • EAJ-EAko lehendakari**gaia izango dugu. Bidali zure galderak ordurako.

ren 1ean; horren trafiko nagusiaz jabetu zireneten, kanpora bota zenituzten 120 langile, eta giltzapetu egin zenituzten Kubako 40 marinel. Bete ezazue behingoz eman zenuen hitza, ordaindu iezaezue soldata zor diezunei. Haiek betetzen ari dira konpromisoak eta promesak, heriotzarekin ere bai: ez dute itsasontzia utziko soldata kobratu arte.

Ez nekien nola hasi gutuna, baina badakit nola amaitu. Kubatar batek *Patria o muerte* (Aberria edo hil), *Venceremos* (Irabaziko dugu) eta *Hasta la victoria, siempre* (Irabazi ar-

te beti) oihu egiten badu, kapitalista anker eta krudel horiek pentsatu behar dute kubatar batek heriotzaraino defenditzen duela, Jose Joaquin Campos Villegas, zuk bezala, duintasuna eta hitza. Agur, Jose Joaquin.

Jose Maria Kortari, mirespenez

M. Legoburua

Jose Maria Korta orain zortzi hilabete erail

zuten ETako fanatikoek. Urte luzez Euskadiren alde lan egin ondoren, utzi egin gintuen.

Kortaren erailketak gogoeta egitera gonbidatzen gaitu. Erailketa horrek lagundu egin behar digu zortzi hilabete igaro eta gero, lehenik eta behin ETaren atentatu madarikatuak gehiago ez gertatzeko eta Ertzaintzari babes osoa emateko Giza Eskubideak defendi ditzan; beste alde batetik, Eusko Legebiltzarreko alderdien artean elkarriketa bultzatzeko, bakea bilatzeko eta lortzeko.

Eusko Jaurlaritza «abegikorra eta hurbila» da sufritzen dutenekin. Juan Jose Ibarretxe honako hau baieztatu izan du: «Sufritzen dutenentzat ez bada, Jaurlaritzak ez die jarraitzen gizartearen elkartasun pausoei».

Jose Maria Korta deitua zegoen, enpresari zen heinean, sufritzen dutenekiko elkartasun ikur izatera. Bestalde, enpresari lagundu behar diegu bakea lortzen benetako protagonistak izan daitezen.

Kortak euskaldun bakoitzari dei egin zigun egungo gizartearen elkartasuna eta babesa aurki ditzaten kaltetuek, bizia arriskuan dutenek. Bazekien elkartasuna eta babesa erakutsi gabe ez zela itxaropenik guztientzat.

Esan beharra dago Korta enpresari ona izan zela: euskal gizartearentzat lan egin zuen, ez bere izenean ezta bere proiektu batenean ere, Euskadin bakea eta elkarriketa lortzeko baizik. Gizartearentzat lan egin zuen, beraz. Guztiei ondo etorriko zaigu gogoan izatea Kortarentzat lana zerbitzua zela. Horixe zen Kortaren izaeraren funtsa; hortik kanpo Kortarentzat ezerk ez zuen zentzurik. Euskadiren alde lan egitea eta enpresari ona izatea, horiek ziren Kortaren dohainak.

Zorte handia izan dugu eta arrazoi asko ditugu eskerrak emateko, bizitzan zehar egin ahal izan zuen guztiagatik: gure Jose Maria Korta gauzarik nobleenaren zerbitzuan egon zen, lanpostuak sortu zituen, aberastasuna zabaldu zuen eta elkartasuna adierazi. Jose Maria Korta, bihotz-bihotzetik, nire mirespena betiko!

montxo

